



UNIVERSITÄTS-  
BIBLIOTHEK  
PADERBORN

## **Clypeus Theologiæ Thomisticæ**

In Tres Partes Divisus, Et Quinque Volvminibvs Comprehensvs

[Tractatus de attributis, de visione beatifica, de scientia Dei ac de ejus voluntate et providentia]

**Gonet, Jean-Baptiste**

**Coloniæ Agrippinæ, 1671**

§. III. Tria corollaria notatu digna

---

[urn:nbn:de:hbz:466:1-77132](#)

## DISPUTATIO PRO OLEMIALIS.

**xii** Dei & Beatorum, est evidens positivè, cùm A petat ab intrinseco evidentiam & claritatem ; objectum verò fidei est inevidens positivè, quia ab intrinseco postulat obscuritatem & inevidentiam : objectum autem Theologiaz est inevidens tantum negativè; quia Theologia secundum se, & ex sua natura, non postulat obscuritatem & inevidentiam, sicut fides, sed habet illam tantum per accidens adiunctam, ratione status & subjecti in quo reperitur, & in quo per accidens dependet à fide, gerente vices scientiaz beatæ.

**xii** Probatur secundò conclusio. Habitus Theologiaz, acquisitus in patria, & deducens per discursum, & lumē naturale intellectus, conclusiones ex principiis notis lumine gloriae, verè & propriè subalternatur scientiaz Dei & Beatorum; quia B omnimodè dependet ab illa, in evidentiâ suorū principiorum : ergo cùm habitus Theologiaz, quem hic in via acquirimus, deducendo per discursum conclusiones ex principiis revelatis, & fide divina creditis ( & qui ut statim dicemus remanet in patria ) non minus dependet in evidentiâ suorum principiorum, à scientia Dei & Beatorum, non minus etiam illis subalternatur.

**xiii** Vico secundò, Theologiam quam hic in via per discursum acquirimus, remanere in patria. Hac conclusio sequitur evidenter ex præcedenti: omnis enim scientia subalternata, ex se & ex natura sua, petit conjungi cum subalternante, illique continuari: ergo si Theologia sit subalternata scientiaz beatorum, ex se & ex natura sua postulat illi conjungi & continuari, ac proinde remanet in patria.

Probatur secundo, & simul destruitur præcipuum Adversariorum fundamentum, declarando differentiam, quæ inter Theologiam, & fidem repertur: licet enim fides non remaneat in patria, tamen Theologia. Ratio disparitatis est, quia fides est essentia liter obscura & inevidens, ac proinde incompossibilis cum scientia beata, & clara Dei visione: Theologiaz verò non est essentia liter obscura, sed tantum accidentaliter, & ratione status, in quo per accidens dependet à fide, quæ in nobis viatoribus gerit vires luminis gloriae, cui Theologia per se, & ex sua natura subordinatur in certitudine & evidentiâ suorum principiorum. Unde sicut caritas via remanet in patria, & transit à libera in necessariam, quando homo mutat statum viatoris, in statum comprehensoris, ex eo quod libertas non est de essentia charitatis, sed solum modus quidam accidentalis, conveniens ei per accidens, & ratione status viae, in quo regulatur per fidem, & cognitionem obscuram. Ita similiter, quia obscuritas non est de essentia Theologiaz, sed tantum modus quidam accidentalis, per accidens illi conveniens, ratione subjecti, & status viae, Theologia in patria remanet, & transit de obscura in evidenter, quando homo mutat statum fidelis & viatoris, in statum beati & comprehensoris.

Confirmatur primò: dona Spiritus S. quæ E sunt in nobis viatoribus, v.g. donum sapientiaz, & scientiaz, remanent in patria, ut docet S. Thomas. 2. quæst. 68. art. 6. & tamen per accidens, & prout sunt in nobis viatoribus, dependent à fide, & per illam regulantur, cùm in hac vita non detur evidens cognitio de Deo, ut docet idem Sanctus Doctor 2.2. quæst. 8. & 9. Ergo similiter, quamvis Theologia, per accidens, & ratione status, pendeat à fide, & ab illa regu-

letur: quia tamen, per se & ex natura sua, peti regulari per lumen gloriae, & scientiam beatam cui subalternatur, non minus remanebit in Patria, quam habitus charitatis, & donum sapientiaz & scientiaz. Unde Hieronymus in Epistola ad Paulinum, *Talem scientiam discamus in terris, quae nobiscum perseveret in celis.* Et D. Chrysostomus in cap. 13. Primi ad Corinthios, loquens de scientia & cognitione quam hic habemus de Deo, dicit, *Non abolebitur scientia ( scilicet in patria ) sed desinet esse non perfecta.*

Confirmatur secundò: omnis habitus qui 15 perit, vel perit per se, & per introductionem alterius habitus ipsi contrarii: sicut destruitur virtus temperantiaz, quando advenit vitium ipsi oppositum; vel per accidens, cùm perit subiectum in quo est, ut objectum de quo est? Sed Theologia neutro ex his modis perire potest in patria: ergo in ea remanet. Minor quantum ad secundam partem constat: cùm in patria non pereat subiectum Theologiaz, scilicet intellectus hominis, vel Angeli; nec objectum ipsius, scilicet Deus. Probatur ergo quantum ad primam. In hoc ( ut supra ostendimus ) distinguitur Theologia à fide, quod fides est essentia liter obscura, & positivè inevidens: Theologia verò est obscura accidentaliter tantum, & inevidens solum negativè. Ergo licet fides opponatur lumini gloriae, & clara Dei visioni, & per adventum ipsius destruatur, non tamen Theologia.

Hac ratio illustrati potest ex D. Thoma 1. 2, quæst. 67. art. 3, ubi dicit: *Quia perfectum & imperfectum opponuntur, impossibile est ea esse in eodem subiecto.* Et statim addit: *Est autem considerandum, quod imperfectio quandoque est de ratione rei, & pertinet ad speciem ipsius, sicut defectus rationis pertinet ad rationem speciei equi, vel boris; & quia unum & idem numero manens, non potest transferri de una specie in aliam, inde est quod tali imperfectione sublata tollitur species rei; sicut jam non est bos vel equus, si esset rationalis.* Quandoque verò imperfectio non pertinet ad rationem speciei, sed accedit individuo secundum aliquid aliud, sicut alicui homini, quandoque accedit defectus rationis, in quantum impeditur in e rationis usus, propter somnum, vel ebrietatem, vel aliquid huiusmodi. At etiam autem quod tali imperfectione remota, nō ilominus sublantiaria remanet &c. Cū ergo imperfectio obscuritatis & inevidentiaz, non sit de ratione Theologiaz, sed per accidens ei conveniat, ratione subiecti, & status viae, in quo per accidens dependet à fide, gerente vices scientiaz beatæ; ex hoc discursu D. Thomæ evidenter concluditur, Theologiam nostram in patria remanere.

### §. III.

*Tria corollaria notatu digna.*

**X** di tis inferis primò: in beatis triplicem 16 Edari scientiam. Prima est perfectè supernalitur, scilicet visio beatifica, quæ eminentissimo modo habet rationem scientiaz, quatenus per illam cognoscunt in Deo quædam principia, ut Deum esse immutabilem, omnipotentem, &c. Et in illis veritates quæ se habent per modum conclusionum, ut Deum esse aeternum, creaturas esse possibles &c. quas unico & simplicissimo intuitu vident, virtute luminis gloriae. Unde talis scientia non est formaliter discursiva, sed eminenter tantum & virtualiter, & à Theologis vocatur *Scientia beatæ.* Secunda est nostra Theo logia

## DE NATURA THEOLOGIÆ.

logia, quæ h̄c in via acquisimus, & quam dividimus remanere in patria; & ista est formaliter discursiva, ex principiis enim lumine gloriae cognitis, & in Deo manifestatis, per discursum, & lumen naturale intellectus, deducit conclusiones quas per proprias species cognoscit extra verbum; & sic lumen gloriae non concurredit immediate ad assensum illarum, sed medianum lumine naturali intellectus discurrentis, & rationcinantis circa principia clare cognita, & in verbo manifestata: unde talis scientia non est perfecte necentiativè supernaturalis, sed imperfecte tantum, & radicaliter, seu præsuppositivè, ut infra ostendemus, de Theologia existente in nobis viatoribus, quæ dedit suas conclusiones ex principiis obscurè revelatis.

B

Tertia tandem scientia est purè naturalis, quam Beati habent de rebus naturalibus, per principia lumine naturali nota; & hæc est multiplex specie, juxta diversitatem specificam objectorum circa quæ versatur, & regnans in Dæmonibus: quia in illis, ut docet Dionysius, omnia naturalia integra remansere.

Inferes secundò: illos qui h̄c in via fuerunt Theologi (ceteris paribus) plura cognoscere in patria extraverbū, per proprias species, h̄c in via proprio labore & studio comparatas, quam alios qui non fuerunt Theologi. Quia (ut ostendimus) habitus Theologiae in via acquisitus, remanet in patria, & se extendit ad ea omnia clare videnda, quæ in via obscurè cognoscebat.

Inferes tertio: Theologianam quam h̄c in via acquisimus, non remanere in patria, solum ad ornatum, sed etiam ad exercitium. Ut enim ex possumus in quarto notabili, illi habitus remanent in patria, non solum ad ornatum, sed etiam ad exercitium, quorum exercitium non est incompositibile cum statu beatitudini: at discurrendo, & per lumen naturale intellectus, ex articulis fidei clare visis, & in verbo manifestatis, conclusiones inferit, non repugnat statui beatitudinis: sicut cognitio vespertina, quam Angeli habent de rebus, secundum quod habent esse in propria natura, non repugnat cognitioni matutina, per quas illas cognoscunt secundum quod habent esse in verbo: ergo habitus Theologiae remanet in patria, non solum ad ornatum, sed etiam ad exercitium.

### §. IV.

#### Principia. objectiones. solvuntur.

**O**bijecies primò contra primam conclusionem: Scientia subalternans teste Aristotelei. Post. debet dicere propter quid de principiis subalternant, id est debet illa demonstrativè probare; unde communiter dicitur, *vbi definiri Physica, ibi incipit Medicus*: id est conclusiones scientia subalternantis, qualis est Physica, debent esse principia subalternata, qualis est Medicina: sed scientia Dei & Beatorum, non dicit propter quid de principiis Theologiae; quia illa sunt articuli fidei, qui sunt indemonstrabiles, nec possunt probari per causam: ergo &c.

Confirmatur: scientia subalternans non debet attingere veritates, & conclusiones, quæ in subalternata demonstrantur, alioquin illæ scientiae non distinguerentur: sed scientia Dei, cùm sit infinita, attingit veritates, & conclusiones quæ demonstrantur in nostra Theologia: ergo &c.

Ad objectionem respondes majorem esse veram in scientiis discursivis, quales sunt scientia-

7  
lia subalternantes ordinis naturalis, secundus autem quando subalternans non est discursiva, ut contingit in proposito. Unde salvandam subalternationem Theologiae, ad scientiam Dei & Beatorum, sufficit quod in illis articuli nostræ fideli notificantur & clare cognoscantur, non autem requiritur quod demonstrantur. Addo quod, in scientia Dei & Beatorum, demonstrantur plures articuli nostræ fidei (ut quod Deus sit trinus in personis, omnipotens, æternus &c.) per natum divinam, tanquam per causam virtualem, seu rationem à priori Divinorum Attributorum: licet enim scientia Dei & Beatorum non sit formaliter discursiva, virtualiter tamen discurrat, quatenus unico & simplicissimo intuitu videt effectus in causis, & conclusiones in principiis.

Ad confirmationem dicendum est primò: majorem esse veram, quando scientia subalternans est finita & limitata, quales sunt scientiae subalternantes ordinis naturalis: secundus vero, si sit infinita, & comprehensiva, qualis est scientia Dei: tunc enim debet ad omnia se extenderet, nec solum attingere principia, sed etiam conclusiones scientiarum subalternatarum.

Secundò dici potest, majorem esse quidem veram in scientiis naturalibus, propter idem lumen naturale, & eundem modum procedendi, qui in illis reperitur; non tamen in supernaturalibus, ratione opposita; sufficit enim ad diversitatem, & subalternationem scientiarum, quod procedant sub diversa ratione formalis, siue sub diverso lumine, quorum unum dependeat & subordinetur alteri, ut contingit in nostra Theologia, respectu scientie beatae.

Objicies secundò: omnis scientia subalternata habet objectum contractius, quam subalternans, ut constat in Musica, & Perspectiva, quæ limitant & contrahunt objectum Arithmeticae & Geometriae, per aliquam differentiam accidentalem, quam illi superaddunt: sed Theologia habet idem omnino objectum, ac scientia Dei, & Beatorum, scilicet Deum sub ratione Deitatis, ut constabit ex dicendis articulo sequenti: ergo ipsi non subalternatur.

Respondeo primò, majorem esse veram, quando scientia subalternans versatur circa objectum finitum & limitatum: tunc enim subalternata debet illud contrahere, per aliquam differentiam accidentalem, ratione cuius habeat novam scibilitatem, & sit radix novarum proprietatum, quæ in illa demonstrantur: secundus autem quando subalternans versatur circa objectum infinitum, & illimitatum; illud enim, ratione sua infinitatis, sine additione alicujus differentiae accidentalis, plures habere potest modos cognoscibilitatis, & scibilitatis, ratione quorum, prout substat diversis luminibus, diversas potest terminares scientias, ut antea expusimus.

Respondeo secundò, quod licet Deus sit in se simplicissimus, ut tamen subest lumini gloriae, sub qua ratione est objectum scientie Beatorum, magis late patet, & plurime eo cognoscuntur, quam ut subest lumini fidei, & obscure revelationis, sub qua ratione est objectum nostræ Theologiae: quare illa habet objectum contractius, & minus late patens, quam scientia Beatorum cui subalternatur.

Objicies tertio: non est propriè subalternatio inter scientiam & habitum primorum principiorum, ut docent Philosophi, quando agunt de sub-